



**ҚАЗАҚСТАН РЕСПУБЛИКАСЫНЫҢ  
ҰЛТТЫҚ БАНКІ  
№ 21 БАСПАСӨЗ РЕЛИЗІ  
2009 жылғы 8 қыркүйек**

**Қазақстан-Қытай қаржы ынтымақтастығы  
жөніндегі шағын комитетінің бесінші  
отырысын өткізу туралы**

2009 жылғы 3-4 қыркүйекте Ақтау қаласында Қазақстан Республикасының және Қытай Халық Республикасының орталық және коммерциялық банктерінің, Қазақстан Республикасы Қаржы нарығын және қаржы ұйымдарын реттеу мен қадағалау агенттігінің, Қазақстан Республикасы Алматы қаласының өңірлік қаржы орталығының қызметін реттеу агенттігінің, «Қазақстан Даму банкі» АҚ-ның, «ДАМУ» кәсіпкерлікті дамыту қоры» АҚ-ның, сондай-ақ Қытай Халық Республикасы Сыртқы істер министрлігінің, Қытай Халық Республикасы Коммерция министрлігінің, сондай-ақ Қытай Банктік қадағалау жөніндегі комиссиясының, Қытай Қор нарығын реттеу жөніндегі комиссиясының, Қытай Сақтандыру нарығын реттеу жөніндегі комиссиясының, Валюталық реттеу жөніндегі мемлекеттік бюросының, Қытай Экспорттық кредиттеуді сақтандыру жөніндегі корпорациясының, Қытай Даму Банкінің, «China Unionpay» компаниясы өкілдерінің қатысуымен Қазақстан-Қытай қаржы ынтымақтастығы жөніндегі шағын комитетінің бесінші отырысы өтті.

Осы іс-шараның ұйымдастырушысы Қазақстан Республикасының Ұлттық Банкі болды. Шағын комитеттің Қазақстан тарапынан тең төрағасы Қазақстан Республикасының Ұлттық Банкі Төрағасының орынбасары Тәжіяқов Б.Ш. мырза, Қытай тарапынан Қытай Халық Банкі Төрағасының орынбасары Ма Дэлун мырза болып табылады.

Отырыс барысында Шағын комитеттің қатысушылары өзара ынтымақтастық жасаудың бірқатар мәселелерін талқылады. Қазақстан және Қытай экономикасындағы ағымдағы жағдай туралы мәселені, әлемдік қаржы дағдарысының салдарлары және оларды жою жөнінде қабылданған шараларды талқылау шеңберінде Тараптар макроэкономикалық және ақша-кредит саясаты мәселелері бойынша ақпарат алмасу саласындағы ынтымақтастықты ретке келтіру жөнінде уағдаласты. Сонымен қатар, Тараптар тәжірибе алмасу және өзара тағылымдамалар ұйымдастыру саласындағы ынтымақтастықты ретке келтіру және тиісті Келісімде ынтымақтастықтың бағыттарын көрсету жөнінде уағдаласты.

Тараптар бір-бірін екі елдің қор нарықтарындағы ахуал туралы және қор нарықтарының шетелдік эмитенттер үшін ашық болуына ықпал ететін шаралар туралы хабардар етті. Қытай Тарабы одан әрі Қазақстан тарабы ұсынған Ынтымақтастық туралы меморандумға қол қою мәселесі жөнінде екіжақты консультацияларды жалғастыруға дайын екенін білдірді.

Қазақстан Республикасы Қаржы нарығын және қаржы ұйымдарын реттеу мен қадағалау агенттігі және Қытай Сақтандыру нарығын қадағалау жөніндегі комиссиясы сақтандыру нарығының ағымдағы жағдайы, оның даму перспективалары және қаржы дағдарысын жою жөнінде қабылданған шаралар туралы ақпаратпен алмасты. Тараптар сақтандыру саласындағы ынтымақтастықты одан әрі жандандырудың мақсатқа сай екенін, оның ішінде ақпарат алмасу және өзара сапарларды ұйымдастыру бойынша, сондай-ақ Сақтандыруды қадағалау саласындағы ынтымақтастық туралы меморандумға қол қою мүмкіндігі жөнінде одан әрі консультацияларды жүргізу қажеттілігін атап өтті.

Тараптар банк карталарын пайдалана отырып есеп айырысуды жүзеге асыруға байланысты проблемаларды қарауға ерекше назар аударды. Осы мәселені талқылау шеңберінде екі елдің ұлттық валюталарының өзара есебіне байланысты проблемаларды шешу жөнінде ұсыныстарды бірлесіп әзірлеу үшін Қазақстанның және Қытайдың төлем жүйелері саласындағы мамандарының кездесулерін өткізу жөнінде уағдаластыққа қол жеткізілді. Сонымен қатар, Қазақстанның коммерциялық банктері Шағын комитеттің қатысушыларын Қазақстан банктері шығарған Visa, MasterCard, American Express төлем карточкаларын Қытай аумағында пайдалану кезінде Қазақстанның азаматтарында туындайтын проблемалар жөнінде хабардар етті. Қазақстанда шығарылған «China Unionpay» төлем карточкалары санының, «China Unionpay» төлем карточкалары бойынша операциялардың саны мен көлемінің және осы төлем карточкаларын Қытай мен басқа елдер азаматтарының Қазақстан аумағында пайдалануының оң өсу серпінділігін атап өте отырып, Тараптар осы карточкаларды ұстаушыларға Қытай банктерінің банкоматтарында және қолма-қол ақша беру пункттерінде қызмет көрсетуге байланысты проблемаларды талқылады. «China Unionpay» банк карточкасына қызмет көрсету сапасын арттыру мәселелерін және орын алып отырған техникалық мәселелерді шешу мақсатында Тараптар одан әрі консультациялар жүргізу жөнінде уағдаласты.

Тараптар сондай-ақ екі елдің экономикасын дамыту мақсатында сауданы және жобалық қаржыландыру саласындағы өзара ынтымақтастықты одан әрі кеңейту қажеттілігін атап өтті және Қазақстан Даму банкінің Қытайдағы өкілдігін ашуға және Қытайдың Сауда-өнеркәсіптік банкінің Қазақстандағы қызметін кеңейтуге байланысты мәселелерді талқылады.

Сонымен қатар, отырыс барысында шағын және орта бизнес секторын қолдау және коммерциялық банктердің осы саладағы рөлі мәселелері бойынша, банктердің тарату үдерістері және депозиттерге кепілдік беру жүйесі мәселелері бойынша ақпарат және тәжірибе алмасу болды.

Тұтастай алғанда, Қазақстан-Қытай қаржы ынтымақтастығы жөніндегі шағын комитетінің бесінші отырысы жоғары мазмұндағы деңгейде өтті және Тараптар қол жеткізілген қаржы ынтымақтастығы нәтижелеріне қанағаттанғандығын білдірді.